

Informe sobre o Índice de Comercio polo Miúdo


Datos correspondentes a febreiro de 2026

Data de publicación: 30/03/2026

Principais resultados

- O índice xeral do comercio polo miúdo a prezos constantes rexistrou en Galicia un crecemento interanual do 2,7% no mes de febreiro de 2026. En España aumentou un 2%.
- Por produtos, as vendas aumentan un 1,5% en "Alimentación" e un 4,7% en "Resto de produtos".
- O índice xeral do comercio polo miúdo a prezos correntes crece un 4,2% en Galicia en febreiro de 2026 con respecto ao mesmo mes de 2025. En España aumenta un 3,4%.
- O índice xeral de ocupación rexistra unha taxa interanual do 0,6% en Galicia e do 0,7% en España.

Índice xeral do comercio minorista a prezos constantes. Taxas de variación interanual (%)



Fonte: INE.

1 Índice xeral de comercio polo miúdo a prezos constantes

O índice xeral do comercio polo miúdo a prezos constantes aumenta un 2,7% en Galicia e un 2% en España en febreiro de 2026 con respecto ao mesmo mes do ano anterior.

O índice xeral sen estacións de servizo medra un 2,8% en Galicia e un 1,8% en España respecto a febreiro de 2025. Desagregando por produtos:

- “Alimentación” incrementa a facturación un 1,5% en Galicia e un 1,6% no conxunto de España.
- “Resto de produtos” medra un 4,7% en Galicia e un 3% no conxunto de España.

Índices de comercio polo miúdo a prezos constantes. Febreiro de 2026

Galicia

	Índice deflactado	Taxa interanual (%)	Taxa no que vai de ano (%)
Xeral	91,0	2,7	4,2
Xeral sen estacións de servizo	89,3	2,8	4,1
Alimentación	85,2	1,5	2,9
Resto	97,1	4,7	6,0

Fonte: IGE. Elaboración propia a partir dos datos subministrados polo INE.

España

	Índice deflactado	Taxa interanual (%)	Taxa no que vai de ano (%)
Xeral	96,6	2,0	2,9
Xeral sen estacións de servizo	95,4	1,8	2,7
Alimentación	92,5	1,6	2,6
Resto	103,6	3,0	3,9

Fonte: INE.

No que levamos de ano, as vendas minoristas aumentan un 4,2% en Galicia e un 2,9% en España. Rexístrase un incremento das vendas en “Alimentación” do 2,9% en Galicia e do 2,6% en España. No “Resto de produtos”, as vendas increméntanse un 6% en Galicia e un 3,9% en España.


2 Índices por comunidades e cidades autónomas

As vendas aumentan en taxa interanual en 17 comunidades e cidades autónomas. Os maiores incrementos rexístranse en Aragón (4,2%), Melilla (3,7%) e País Vasco (3,4%). A facturación diminúe en Illas Baleares (-1,6%) e Comunidade Foral de Navarra (-0,6%).

No que vai de ano, o índice increméntase en 18 comunidades e cidades autónomas. As taxas máis altas preséntanse en Aragón (5,3%), País Vasco (4,8%) e Asturias (4,4%).

Índice xeral do comercio minorista a prezos constantes. Febreiro de 2026

Taxas de variación (%)



Fonte: INE.

3 Índice xeral de comercio polo miúdo a prezos correntes

O índice xeral do comercio polo miúdo a prezos correntes aumenta un 4,2% en Galicia e un 3,4% en España no mes de febreiro de 2026 con respecto a febreiro de 2025.

O índice xeral sen estacións de servizo rexistra unha taxa do 5,1% en Galicia e do 4,1% en España. Desagregando por produtos, en Galicia, as vendas aumentan un 5,4% en "Alimentación" e un 4,8% en "Resto de produtos". En España, rexístrase un incremento do 5,2% nas vendas en "Alimentación" e do 3,2% en "Resto de produtos".

No que vai de ano, o índice medra un 5,3% en Galicia e un 4% en España. En Galicia, as vendas en "Alimentación" increméntanse un 6,5% e en "Resto de produtos" un 5,9%. En España, as vendas varían un 6,2% en "Alimentación" e un 3,8% en "Resto de produtos".

Índices de comercio polo miúdo a prezos correntes. Febreiro de 2026

Galicia

	Índice	Taxa interanual (%)	Taxa no que vai de ano (%)
Xeral	110,2	4,2	5,3
Xeral sen estacións de servizo	109,7	5,1	6,2
Alimentación	114,7	5,4	6,5
Resto	105,9	4,8	5,9

Fonte: IGE. Elaboración propia a partir dos datos subministrados polo INE.

España

	Índice	Taxa interanual (%)	Taxa no que vai de ano (%)
Xeral	117,2	3,4	4,0
Xeral sen estacións de servizo	117,3	4,1	4,8
Alimentación	124,7	5,2	6,2
Resto	111,8	3,2	3,8

Fonte: INE.

4 Índice de ocupación

No mes de febreiro, o índice xeral de ocupación amosa unha taxa de variación interanual do 0,6% en Galicia e do 0,7% no conxunto de España. No que vai de ano, a ocupación medra un 0,8% tanto en Galicia e coma en España.

Índices de ocupación. Febreiro de 2026

Galicia

	Índice	Taxa interanual (%)	Taxa no que vai de ano (%)
Xeral	104,1	0,6	0,8
Xeral sen estacións de servizo	103,9	0,6	0,8

Fonte: INE.

España

	Índice	Taxa interanual (%)	Taxa no que vai de ano (%)
Xeral	105,6	0,7	0,8
Xeral sen estacións de servizo	105,6	0,7	0,8


Fonte: INE.

5 Índices de ocupación por comunidades e cidades autónomas

En febreiro, a ocupación no comercio minorista aumenta en 17 comunidades e cidades autónomas. Os maiores incrementos rexístranse en Asturias (2,9%) e Ceuta (2,2%). As comunidades onde diminúe o persoal ocupado son País Vasco (-0,3%) e Cantabria (-0,2%).

Índice xeral de ocupación. Febreiro de 2026

Taxas de variación (%)



Fonte: INE.

No acumulado do ano, a ocupación aumenta en 18 comunidades e cidades autónomas. Asturias (2,9%) e Ceuta (2,8%) rexistran os maiores incrementos. O persoal ocupado diminúe en País Vasco (-0,1%).

6 Notas metodolóxicas

Os índices de comercio polo miúdo son uns indicadores conxunturais que teñen por obxecto coñecer as características fundamentais das empresas dedicadas ao exercicio do comercio polo miúdo en España, e que permiten medir, a curto prazo, a evolución da actividade das empresas incluídas na sección G da CNAE-2009.

Os índices calcúlanse como un índice Laspeyres encadeado con ano base 2021 (encadeamento mensual no mes de decembro).

Os índices de comercio polo miúdo a prezos constantes mostran a evolución das vendas do sector minorista unha vez eliminado o efecto que os prezos teñen sobre as ditas vendas.

Os deflactores que se utilizan nos distintos índices a nivel de comunidade autónoma son:

- Índice xeral de comercio minorista: IPC xeral sen IVE sen servizos nin alugueres; nin automóbiles, outros vehículos, repostos e accesorios para mantemento.
- Índice xeral sen estacións de servizo: IPC xeral sen IVE sen servizos nin alugueres; nin carburantes e lubricantes, nin automóbiles, outros vehículos, repostos e accesorios para mantemento; nin distribución de auga, nin electricidade nin gas.
- Índice Alimentación: IPC alimentos, bebidas e tabaco sen IVE.
- Índice Resto: IPC xeral sen IVE sen alimentos, bebidas e tabaco; nin servizos nin alugueres; nin carburantes e lubricantes; nin automóbiles, outros vehículos, repostos e accesorios para mantemento; nin distribución de auga, nin electricidade nin gas.

Os índices de comercio polo miúdo a prezos constantes obtéñense como cociente entre os índices de comercio polo miúdo a prezos correntes e o deflactor.